



SLUŽBENE NOVINE OPĆINE GORAŽDE

Godina VII

03. juni 2014. godine
GORAŽDE

Broj 5

1199

Na osnovu člana 18. i 84. Statuta Općine Goražde („Službene novine Bosansko-podrinjskog kantona Goražde“, broj 13/07) Općinsko vijeće Općine Goražde na 18. redovnoj sjednici, održanoj dana 29.05.2014. godine, donosi:

ODLUKU

o davanju saglasnosti na Odluku o prodaji nekretnina zv. „Upravna zgrada FV“ i „Pogon stolarije“, donesene od strane Nadzornog odbora JKP „6. mart“ d.o.o. Goražde

Član 1.

Daje se saglasnost na Odluku o prodaji nekretnina zv. „Upravna zgrada FV“ i „Pogon stolarije“ donesene od strane Nadzornog odbora JKP „6. mart“ d.o.o. Goražde, br. 678/14 od 23.05.2014. godine, a kojom se odobrava prodaja nekretnina označenih kao:

- k.č. 3900/34 zv. „Upravna zgrada FV“, ukupne površine 04 a 04 m², po kulturi privredna zgrada, površine 01 a 27 m², ekonomsko dvorište, površine 02 a 77 m² i
- k.č. 3900/38 zv. „Pogon stolarije“, ukupne površine 09 a 63 m², po kulturi privredna zgrada, površine 02 a 10 m², ekonomsko dvorište, površine 07 a 53 m².

Član 2.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj:01-02-1-2403

Goražde, 29.05.2014. godine

PREDSJEDAVALA VIJEĆA

Jelena Mirković

1200

Na osnovu člana 84. Zakona o vodama („Službene novine F BiH“, broj:70/06), člana 44. stav 1. i 3. Zakona o vodama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 6/10) i člana 18. i 84. stav 1. Statuta Općine Goražde („Službene novine Bosansko-podrinjskog kantona Goražde“, br. 13/07), Općinsko vijeće Općine Goražde, na 18. redovnoj sjednici, održanoj dana 29.05.2014. godine, donosi:

ODLUKU

o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česmama na području Općine Goražde

I Opće odredbe

Član 1.

Ovom Odlukom propisuju se: načini i uslovi snadbijevanja vodom za piće u naseljima izvan općinskog centra, vrste vodnih objekata i uslovi za izgradnju, korištenje vodnih objekata i dodatna priključenja, zaštita, održavanje i upravljanje mjesnim vodovodima, javnim bunarima i javnim česmama.

Član 2.

Općinske službe, odnosno uprava Općine Goražde, dužne su da ustroje i vode evidenciju o vodovodima, bunarima i česmama iz člana 1. ove Odluke, u skladu sa članom 55. Zakona o vodama Bosansko-podrinjskog kantona Goražde i da blagovremeno registruju sve promjene od značaja za ove objekte.

II Načini i uslovi snadbijevanja vodom van općinskog centra

Član 3.

Građani, pravna lica i preduzetnici (u daljem tekstu: korisnici) na mjesnom području snadbijevaju se vodom za piće i vodom za druge potrebe zahvatanjem površinskih i podzemnih voda.

Vodosnadbjevanje korisnika iz stava 1. ovog člana vrši se korištenjem prirodnih izvora i izgradnjom odgovarajućih objekata za vodosnadbjevanje.

Član 4.

Pod izvorištem za vodosnadbjevanje, u smislu ove Odluke, podrazumjeva se prostor na kome se zahvata voda radi javnog snadbjevanja stanovništva vodom i to:

- prirodni izvor,
- dio rijeke,
- javna česma i
- javni bunar.

III Vrste vodnih objekata i uslovi za izgradnju

Član 5.

Mjesnim vodovodom, u smislu ove Odluke, smatra se vodni objekat za snadbjevanje vodom za piće naselja izvan općinskog centra koja nisu priključena na jedinstvenu sekundarnu vodovodnu mrežu općinskog vodovoda, a koji ima zaštićeno i uređeno izvorište, kapitažu, rezervoar i razvodnu mrežu i služi za snadbjevanje vodom za piće manje od 500 stanovnika.

Pod mjesnim vodovodom smatra se i objekat za snadbjevanje vodom vikend naselja.

Član 6.

Javni bunari, u smislu ove Odluke, su vodni objekti koji obezbjeđuju stalnu higijensko-sanitarnu zaštitu vode od spoljašnjih štetnih uticaja (prljavština spolja, atmosferske padavine, plavljenje i slično), sa zaštićenim otvorom i odgovarajućom opremom za zahvatanje vode, a koji služe za snadbjevanje vodom za piće najmanje dva domaćinstva u seoskom naselju.

Član 7.

Javna česma je objekat sa odgovarajućom zaštitnom zonom i odgovarajućim uređajima koji služe za snadbjevanje vodom za piće prolaznika i mještana.

Javna česma može imati uređaj za zatvaranje vode, betonsko korito i uređen odvod sa drenažnom jamom.

Član 8.

Korištenje vode za snadbjevanje seoskog stanovništva vodom za piće, sanitarne potrebe i pojenje stoke, prema istom redoslijedu, ima prvenstvo nad korištenjem vode za ostale namjene.

U vanrednim (sušnim) hidrološkim prilikama, ako to izdašnost ili projektovani kapaciteti ne dozvoljavaju, u smislu potrebnih količina vode za zadovoljavanje potreba iz stava 1. ovog člana, voda se može koristiti isključivo za piće, sve do normalizacije hidroloških prilika ili izmjene projektovanih kapaciteta.

Član 9.

Vode koje se koriste za piće ne mogu se koristiti u druge svrhe na način koji bi nepovoljno uticao na količinu i kvalitet vode.

Član 10.

Zabranjena je uzurpacija izvorišta i izgradnja vodnih objekata bez prethodno pribavljene vodne i druge tehničke dokumentacije propisane zakonom (član 49. i 50. Zakona o vodama Bosansko-podrinjskog kantona Goražde).

Član 11.

Izgradnja ili rekonstrukcija vodnih objekata vrši se na način i pod uslovima određenim u izdatoj vodnoj saglasnosti.

Inicijativu za rekonstrukciju izgrađenog vodnog objekta radi otklanjanja određenih nepravilnosti u ravnopravnom i racionalnom korištenju vode može pokrenuti mjesna zajednica, grupa građana-korisnika, kao i pojedini zainteresovani korisnici tog vodovoda.

Izradu glavnog projekta za izgradnju, odnosno rekonstrukciju vodnih objekata, investitor može povjeriti samo pravnom licu ovlaštenom, odnosno registrovanom za izradu takvih projekata.

Izgrađeni, odnosno rekonstruisani vodni objekti, puštaju se u rad kada su ispunjeni zakonski uslovi za to.

Član 12.

Investitori mjesnog vodovoda dužni su da izgrade odvodne kanale i propusne drenažne jame, ukoliko ne postoji javna kanalizacija radi prihvatanja otpadnih voda.

Član 13.

Vlasnik, odnosno korisnik zemljišta, dužan je dozvoliti investitoru vodnog objekta ili izvođaču radova na izgradnji vodovoda da preko njegovog zemljišta izvodi radove, shodno vodnoj saglasnosti, ukoliko ne postoji optimalnije rješenje.

Vlasnik, odnosno korisnik zemljišta, ima pravo na naknadu štete izazvane izvođenjem radova iz stava prvog ovog člana.

Ako zainteresovane strane iz stava prvog ovog člana ne postignu sporazum o utvrđivanju prava služnosti i o visini odgovarajuće naknade, odluku o tome donosi sud.

IV Održavanje i upravljanje vodnim objektima

Član 14.

Investitor za izgradnju mjesnog vodovoda može biti općina, mjesna zajednica ili grupa građana.

Mjesni vodovodi koji su u vlasništvu fizičkih, odnosno pravnih lica koja su ih izgradila, brinu o upravljanju tim objektima, a mogu ih povjeriti na upravljanju i korištenje pravnom licu, u skladu sa propisima o komunalnim djelatnostima.

Ako su investitori vodovoda općina ili mjesna zajednica, one svojom odlukom povjeravaju vodovod na upravljanje i korištenje pravnom licu, u skladu sa propisima o komunalnoj djelatnosti.

Član 15.

Pod održavanjem vodnih objekata podrazumijeva se njihovo održavanje u ispravnom stanju, u smislu tehničke ispravnosti objekata, uređaja i vodovodne mreže, uključujući i mjerni instrument potrošača, kao i obezbjeđenje higijenske ispravnosti vode, u skladu sa zakonskim i drugim podzakonskim aktima, koja normativno uređuju ovu oblast.

Član 16.

Sve popravke, rekonstrukcije i slično, na vodnim objektima na primarnom vodu i na glavnoj liniji do priključka korisnika, idu na teret sredstava za održavanje i korištenje vodnih objekata.

Član 17.

Troškove održavanja vodovodnih instalacija i uređaja od priključka korisnika na vodovodnu mrežu snosi korisnik priključka i dužan je da se brine o ispravnosti tih instalacija i uređaja.

Korisnik priključka dužan je da sve kvarove na instalacijama i uređajima iz prethodne odredbe otkloni u što kraćem roku, a najkasnije u roku od 24 sata od momenta nastanka kvara.

O kvarovima na priključku korisnik je dužan odmah obavjestiti lice kome su povjereni poslovi upravljanja i održavanja vodnog objekta.

Član 18.

Saglasnost za naknadno priključenje na mjesni vodovod izdaje nadležni organ, odnosno služba lokalne samouprave za poslove vodoprivredne djelatnosti.

Priključenje na izgrađeni vodovod mora se izvršiti na tehnički ispravan način, uz nadzor stručnog lica, pri čemu se ne smiju dovesti u nepovoljan položaj postojeći korisnici, u smislu ravnopravnog i ekonomičnog korištenja vode.

Troškovi priključenja na izgrađeni vodovod padaju na teret podnosioca zahtjeva za priključenje.

Član 19.

Priključak na izgrađeni vodni objekat dozvolit će se samo ukoliko količina vode, osim dodatnih korisnika, može zadovoljiti i potrebe podnosioca zahtjeva, te ukoliko se snadbijevanje vodom podnosioca zahtjeva ne može riješiti na racionalniji i ekonomičniji način.

Član 20.

Odgovorna lica u mjesnoj zajednici za oblast vodne djelatnosti (odbori i dr.), uključujući i predsjednika savjeta mjesne zajednice, obavezna su da sarađuju sa općinskim organom nadležnim za

poslove vodoprivredne djelatnosti, inspeksijskim službama i drugim državnim i lokalnim organima, kada to zahtjevaju interesi racionalnog i ravnopravnog korištenja voda.

Pod saradnjom iz stava 1. ovog člana podrazumijeva se dostavljanje tražene dokumentacije, podataka, odazivanje na pozive organa i službi iz prethodnog stava, i slično.

Član 21.

Investitori, odnosno korisnici vodnih objekata, dužni su da izvršavaju odluke, zaključke, naloge i druge akte mjesne zajednice.

U postupku izdavanja vodne saglasnosti za priključenje na izgrađeni objekat za vodosnadbijevanje, mjesna zajednica daje mišljenje bez obzira na to ko upravlja tim objektom.

V Korištenje vodnih objekata

Član 22.

Raspoložive količine vode na području mjesne zajednice treba koristiti na najracionalniji način, vodeći pri tome računa da se što veći broj građana snadbije potrebnim količinama vode.

Član 23.

U pogledu korištenja objekata za vodosnadbijevanje, pravo prvenstva imaju građani, pravna lica i preduzetnici koji su svojim novčanim sredstvima i radnom snagom izgradili objekat za vodosnadbijevanje.

Član 24.

U slučaju diobe domaćinstava koje je korisnik postojećeg seoskog vodovoda na dva ili više novih domaćinstava, nova domaćinstva mogu koristiti vodu u novosagrađenom objektu-kući samo sa postojećeg priključka, ako ne postoji mogućnost za dobijanje novog priključka na postojećem vodnom objektu.

Član 25.

Ukoliko novi korisnik, iz prethodnog člana ove Odluke, traži novi priključak, potrebno je da pribavi vodnu saglasnost i vodnu dozvolu, te da sa subjektom, koji upravlja mjesnim vodovodom, zaključi pisani ugovor o upravljanju, korištenju, održavanju i zaštiti predmetnog vodovoda.

Član 26.

Podnosilac zahtjeva za priključenje na izgrađeni vodni objekat dužan je da plati investitorima odgovarajući novčani iznos na ime naknadnog učešća u izgradnji vodnog objekta i da snosi troškove priključenja.

Novčani iznos na ime naknadnog učešća u izgradnji vodnog objekta podrazumijeva proporcionalni revalorizovani dio troškova nastalih prilikom izgradnje predmetnog vodnog objekta.

Član 27.

Ukoliko korisnik vodnog objekta odbije da plati novčani iznos na ime učešća za izgradnju vodnog objekta ili naknadu za korištenje vode, ili se ne pridržava zakonskih odredaba i drugih propisa o racionalnom korištenju vode, savjet mjesne zajednice, odnosno investitor, može podnijeti zahtjev vodnom inspektoru da izvrši isključenje takvog korisnika sa predmetnog vodnog objekta.

Član 28.

Vlasnik zemljišta na kojem se nalazi prirodni izvor, ima pravo na novčanu naknadu za štetu koja nastane prilikom izgradnje vodnih objekata i mreže na tom izvoru.

Naknadu za štetu iz prethodnog stava plaća investitor, odnosno korisnici vodnog objekta.

Član 29.

Vlasnici kućnih vodovodnih instalacija i uređaja priključenih na mjesni vodovod dužni su iste održavati u ispravnom stanju i obezbijediti njihovo stalno funkcionisanje.

Član 30.

Ako se korisnik objekta za vodosnadbijevanje ne pridržava zakonskih odredaba o racionalnom korištenju vode ili se ne pridržava odredaba ove Odluke, subjekat koji upravlja tim vodnim objektom, odnosno grupa korisnika tog vodnog objekta, mogu podnijeti zahtjev nadležnom organu lokalne samouprave za preduzimanje odgovarajućih mjera u pravcu otklanjanja tih nepravilnosti.

Mjere iz prethodnog stava ovog člana su pismeno upozorenje, a ako ne bude efekta, slijedi zahtjev za intervenciju nadležnih inspekcijskih službi, radi isključenja takvog korisnika sa vodnog objekta.

VI Zaštita vodnih objekata za vodosnadbijevanje**Član 31.**

Lica (pravna ili fizička) koja upravljaju vodnim objektom dužna su da, shodno odredbama Zakona o vodama i drugim propisima, preduzimaju i sprovode mjere u cilju zaštite izvorišta od namjernog ili slučajnog zagađivanja, i od drugih uticaja koji mogu nepovoljno uticati na izdašnost izvorišta i na zdravstvenu ispravnost vode.

Član 32.

Mjesna zajednica, odnosno komunalno preduzeće, ako su im prenesene odgovarajuće nadležnosti, dužni su da se, u saradnji sa nadležnom građevinskom, sanitarnom i komunalnom inspekcijom, staraju o ispravnosti objekata za vodosnadbijevanje kojim upravljaju, kao i o zdravstvenoj ispravnosti vode za piće, saglasno građevinskim, sanitarnim i drugim propisima.

Član 33.

Zabranjeno je preduzimanje bilo kakvih radova ili aktivnosti u blizini seoskih vodovoda kojima bi se narušilo iskorištavanje vode, ustanovljeno vodnom dozvolom za te vodne objekte.

Član 34.

Zabranjeno je na javnim bunarima i javnim česnama pranje rublja, kupanje, napajanje stoke, pranje motornih i drugih vozila, kao i slične radnje koje bi mogle ugroziti zdravstvenu ispravnost vode za piće, odnosno oštećenje instalacija i uređaja.

Član 35.

Zabranjeno je neovlaštenim licima da vrše otvaranje i zatvaranje objekata, armatura, instalacija i ostalih uređaja na vodnim objektima i mreži, izuzev u slučajevima kada je to neophodno radi sprečavanja šteta većih razmjera (pucanje cijevi, požara i slično).

Član 36.

Zabranjeno je zalijevanje bašti, vrtova i drugih poljoprivrednih površina vodom iz mjesnog vodovoda, javne česme i javnog bunara, kao i otvaranje česmi radi sprečavanja zamrzavanja u zimskom periodu.

Član 37.

Korisnici objekata za vodosnadbijevanje mjesnog područja dužni su da objekte koriste isključivo prema namjeni, utvrđenim izdatim vodnim aktima, te da ih štite i čuvaju od oštećenja i uništenja, i da svojim aktivnim učešćem u tome doprinesu njihovom uređenju, zaštiti i održavanju.

VII Naknada za korištenje voda**Član 38.**

Naknadu za korištenje voda utvrđuje svojom odlukom mjesna zajednica, a plaćaju je svi korisnici predmetnog vodovoda.

Mjesna zajednica svojom odlukom utvrđuje visinu, kao i način i postupak za obračunavanje i plaćanje naknade iz prethodnog stava, s tim što ne može biti utvrđena u iznosu nižem od 60% od cijene koštanja vode, koju plaćaju građani za korištenje vode sa gradskog vodovoda.

Na odluku o utvrđivanju visine, kao i načina i postupka za obračun i naplatu naknade za korištenje vode na mjesnom području, saglasnost daje nadležni organ lokalne samouprave.

Član 39.

Za korištenje mjesnih vodovoda, koji nemaju vodomjere, visina naknade za korištenje vode može se utvrđivati paušalno do ispunjenja obaveza i rokova iz člana 45. ove Odluke.

Član 40.

Sredstva od naknade za korištenje voda uplaćuju se na poseban žiroračun subjekta koji upravlja predmetnim vodnim objektom.

Sredstva ostvarena po ovom osnovu posebno se evidentiraju za svaki vodovod i mogu se koristiti isključivo za održavanje, rekonstrukciju, sanaciju i adaptaciju vodovoda od kojeg su ostvarena.

VIII Nadzor na sprovođenju Odluke**Član 41.**

Nadzor na sprovođenju ove odluke vrši Služba za finansije, trezor i privredu.

Član 42.

Prijavu za nepridržavanje odredbi ove Odluke mogu podnijeti: mjesna zajednica, investitor, grupa građana, kao i pojedina zainteresovana lica.

Prijavu za pokretanje prekršajnog postupka, za radnje zabranjene ovom Odlukom, mogu podnijeti nadležne inspeksijske službe, preduzeća, mjesne zajednice, kao i pojedinci.

IX Kaznene odredbe**Član 43.**

Za postupanja suprotna odredbama ove Odluke, učinilac će biti kažnjen prema odredbama Zakona o vodama Bosansko-podrinjskog kantona Goražde.

X Prelazne i završne odredbe**Član 44.**

Mjesne vodovode izgrađene do dana stupanja na snagu ove Odluke, bez obzira čijim sredstvima su izgrađeni, preuzima na dalje upravljanje i održavanje mjesna zajednica na čijoj teritoriji se vodovod nalazi, odnosno na čijoj teritoriji se vodovod koristi, ako te obaveze ugovorom ne prenese na komunalno preduzeće.

Preuzimanje vodnih objekata iz stava 1. ovog člana, mjesna zajednica je dužna izvršiti u roku od 6 (šest) mjeseci od dana stupanja na snagu ove Odluke.

Član 45.

Za mjesne vodovode koji nemaju vodnu dozvolu ili je rok njenog važenja istekao, mjesna zajednica će u roku od jedne godine, od dana stupanja na snagu ove Odluke, pribaviti vodnu dozvolu od nadležnog organa lokalne uprave.

Preuzeti vodni objekti za koje se ne dobije vodna dozvola u roku, iz stava 1. ovog člana, bit će stavljen van upotrebe.

Član 46.

Ova Odluka stupa na snagu osmog dana od dana donošenja, a naknadno će biti objavljena u „Službenim novinama Općine Goražde“.

Broj: 01-02-1-2407

Goražde, 29.05.2014.

PREDSJEDAVALA VIJEĆA

Jelena Mirković

1201

Na osnovu člana 18. i 84. Statuta Općine Goražde („Službene novine Bosansko – podrinjskog kantona Goražde“, broj:13/07), Općinsko vijeće Općine Goražde, na **18.** redovnoj sjednici, održanoj dana **29.05.2014.** godine, **donosi:**

O D L U K U

o odobravanju sufinansiranja izgradnje sistema navodnjavanja Kolovarskog i Gunjevičkog polja u Općini Goražde

Član 1.

Ovom Odlukom odobrava se sufinansiranje izgradnje sistema za navodnjavanje Kolovarskog i Gunjevičkog polja u Općini Goražde.

Član 2.

Sufinansiranje iz člana 1. ove Odluke sastoji se u građevinskim radovima, u iznosu do 70.000,00 KM, dok će se oprema i materijal obezbijediti iz sredstava Svjetske banke, putem Federalnog ministarstva za poljoprivredu, šumarstvo i vodoprivredu Sarajevo.

Član 3.

Sredstva iz člana 2. ove Odluke će se obezbijediti iz Budžeta Općine Goražde za 2014. godinu ili iz Budžeta Općine Goražde za 2015. godinu.

Član 4.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-2406

Goražde, 29.05.2014. godine

PREDSJEDAVALA VIJEĆA

Jelena Mirković

1202

Na osnovu člana 54. stav 3. Zakona o vodama („Službene novine F BiH“, broj: 70/06), člana 30. stav 4. Zakona o vodama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 6/10), članova 18. i 84. stav 1. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde na 18. redovnoj sjednici, održanoj dana **29.05.2014.** godine, donijelo je:

ODLUKU**o odvodnji otpadnih voda na području Općine Goražde****I – OPĆE ODREDBE****Član 1.**

Ovom odlukom, u skladu sa zakonom, definišu se otpadne vode, utvrđuje način odvodnje otpadnih voda, obaveze u vezi sa ispuštanjem otpadnih voda, vrste i izgradnja objekata i uređaja kojima se obezbjeđuje odvođenje otpadnih voda, upravljanje, korištenje, održavanje i mjere zaštite objekata i uređaja za odvodnju otpadnih voda, uslovi i načini davanja usluge, uslovi i načini priključenja korisnika na objekte i uređaje za odvodnju otpadnih voda, međusobni odnosi davaoca i korisnika usluge odvodnje otpadnih voda, način obračuna i plaćanja naknade za dobijenu komunalnu uslugu, način postupanja i ovlaštenja Općine u obavljanju djelatnosti odvodnje otpadnih voda, uskraćivanje komunalne usluge, uslovi i način ispuštanja otpadnih voda na područjima na kojima nije izgrađen sistem javne odvodnje otpadnih voda i nadzor nad provođenjem ove Odluke.

Član 2.

Pod odvodnjom otpadnih voda podrazumjevaju se poslovi sakupljanja iskorištenih voda od priključka korisnika na javnu kanalizacionu mrežu, odvođenje kanalizacionom mrežom i ispuštanje iz mreže, kao i čišćenje septičkih jama.

Član 3.

Djelatnost odvodnje otpadnih voda je komunalna djelatnost.

Uslov za obavljanje djelatnosti iz prethodnog stava je obezbjeđenje jedinstvenog tehničko-tehnološkog sistema (snadbijevanje vodom, odvođenje otpadnih voda) i njeno obavljanje može se povjeriti samo jednom javnom preduzeću komunalnih djelatnosti, u skladu sa Zakonom.

Član 4.

Otpadnim vodama, u smislu ove Odluke, smatraju se vode koje su promijenile svoje prirodne,

fizičke, hemijske ili biološke osobine, rezultatom ljudske aktivnosti, a dijele se na:

- a) Oborinske vode,
- b) Površinske vode,
- c) Otpadne vode koje nisu nastale kao posljedica tehnoloških procesa (vode za rashlađivanje uređaja i sl.),
- d) Sanitarne otpadne vode (vode iz kućanstva, ugostiteljstva, zdravstva, školstva, uslužnih i drugih neproizvodnih djelatnosti),
- e) Tehnološke otpadne vode (koje su nastale kao posljedica industrijskih i drugih proizvodnih procesa, zagađene oborinske vode sa industrijskih, privrednih i drugih površina, uključujući i saobraćajne površine) i
- f) radioaktivne otpadne vode (vode koje sadrže radioaktivne materije, otpatke i sl.)

Član 5.

Sva pravna i fizička lica sa područja Općine Goražde dužna su otpadne vode ispuštati u sistem javne odvodnje, ili na drugi način, u skladu sa Zakonom o vodama Bosansko-podrinjskog kantona Goražde, Zakonom o vodama Federacije BiH i ovom Odlukom.

Član 6.

Odvodnja otpadnih voda mora se provesti tako da ne zagađuje podzemne vode i okolinu u cjelini.

Član 7.

Otpadne vode se iz sistema javne odvodnje ispuštaju u prijemnike: vodotoke i njihove pritoke.

II – OBJEKTI I UREĐAJI: IZGRADNJA, UPRAVLJANJE, KORIŠTENJE I MJERE ZAŠTITE**Član 8.**

Otpadne vode odvođe se putem posebnih sistema, prirodnih vodotoka, te građevina i sistema koji se dijele na:

1. Unutrašnju kanalizaciju i
2. Sisteme javne odvodnje, koji obuhvataju:
 - a) javnu kanalizaciju i
 - b) sistem meliorativne odvodnje.

Član 9.

Odvodni sistemi iz člana 8. ove Odluke izgrađuju se i koriste u skladu sa Zakonom, ovom Odlukom, vodoprivrednom osnovom, vodoprivrednim planovima i drugim aktima koji uređuju djelatnost odvodnje otpadnih voda.

Instalacije, građevine i uređaji za odvodnju otpadnih voda moraju biti izgrađeni po važećim

tehničkim propisima, standardima i normativima, tako da osiguravaju pravilnu odvodnju predviđenih količina vode.

Član 10.

Korisnikom unutrašnje kanalizacije smatra se svako fizičko i pravno lice koje je vlasnik, odnosno nosilac prava upotrebe, odnosno koje upravlja (gospodari) objektima unutrašnje kanalizacije.

Član 11.

Unutrašnju kanalizaciju čine instalacije, građevine, uređaji za skupljanje otpadnih voda iz objekata i sa zemljišta, kanalizacija za odvod sakupljenih voda do kontrolnog okna i kontrolno okno.

Član 12.

Unutrašnja kanalizacija mora biti izvedena i održavana tako da se:

- isključi mogućnost zagađivanja njezine okoline razlijevanjem otpadnih voda po površini, prodiranjem otpadnih voda na površinu ili prodiranjem otpadnih voda u podzemne slojeve,
- spriječi prenošenje zaraznih bolesti i
- onemogući povrat kanalskih voda u kanalizaciju – djelovanjem uspora.

Član 13.

Unutrašnja kanalizacija za odvodnju tehnoloških otpadnih voda mora biti izvedena od materijala koji je vodonepropusan i otporan na kiseline, lužine i temperaturu.

Unutrašnja kanalizacija za odvodnju tehnoloških otpadnih voda mora biti izvedena tako da je omogućeno uzimanje uzorka otpadne vode radi analize njezinog sistema i svojstava iz pojedinih pogona i tehnoloških cjelina, u kojima otpadne vode nastaju.

Član 14.

Tehnološke i radioaktivne otpadne vode smiju se ispuštati u sistem javne kanalizacije ili prirodne vodotoke samo ako su prethodno pročišćene do stepena propisanog važećim propisima.

Svaki subjekat koji ispušta tehnološke otpadne vode u površinske vode ili sistem javne kanalizacije mora posjedovati odgovarajući vodoprivredni akt, u skladu sa Zakonom o vodama F BiH i Zakonom o vodama Bosansko- podrinjskog kantona Goražde. Nije dozvoljena izgradnja privrednih objekata na području Općine bez izgradnje uređaja za prečišćavanje otpadnih voda ili uređaja za smanjenje emisija opasnih i štetnih materija u atmosferu.

Član 15.

U javni sistem odvodnje mogu se direktno ispuštati oborinske, drenažne i površinske vode, te vode koje nisu nastale kao posljedica tehnološkog procesa i nisu toplije od 40 stepeni celzijusa.

Izuzetno od prethodnog stava, u javni sistem odvodnje mogu se ispuštati i:

- oborinske vode s neizgrađenog građevinskog zemljišta i zelenih površina samo preko pjeskolova ili slivnika,
- vode s prometnih površina, samo preko slivnika.

Sanitarne otpadne vode (vode iz kućanstva, kupaonica, kuhinja, praonica rublja, bazena i sl.) mogu se ispuštati u javnu kanalizaciju ili u vodonepropusnu septičku jamu na cijelom području Općine gdje nije izgrađena javna kanalizacija.

Član 16.

Mjesta na kojima se mjeri zagađenje voda određuju se prema vrsti javnog sistema odvodnje u koji se otpadne vode ispuštaju.

Član 17.

Zabranjeno je u kanalizaciju ispuštati, odnosno ubacivati, komunalni otpad, pepeo, gips, cement, pijesak, platnene krpe, led, snijeg, uginule životinje, kao i sve čvrste i kabaste predmete i materijale, bilo preko unutrašnje kanalizacije ili preko uličnih slivnika i revizionih okana.

Također je zabranjeno u kanalizaciju ispuštati zapaljive i druge materije koje mogu izazvati požar, eksploziju ili oštetiti bilo unutrašnju, bilo javnu kanalizacionu mrežu.

Član 18.

Otpadne vode ispuštaju se iz unutrašnje kanalizacije u sistem javne kanalizacije preko kontrolnog okna.

Kontrolno okno je dio unutrašnje kanalizacije, prije njezinog spoja sa sistemom javne kanalizacije, na kojem se mjeri zagađenje otpadnih voda i smješta se na mjesto do kojeg je osiguran nesmetan pristup.

Izuzetno od stava 1. ovog člana, mogu se ispuštati, bez kontrolnog okna:

- oborinske i površinske vode s neizgrađenog zemljišta,
- oborinske i površinske vode u ostalim slučajevima, koje nisu nastale kao posljedica tehnološkog procesa, ali samo u mješovitu javnu kanalizaciju.

Član 19.

Korisnik unutrašnje kanalizacije dužan je njezine instalacije, građevine i uređaje održavati u ispravnom

stanju, u skladu sa propisima o održavanju stambenih i drugih građevinskih objekata.

Korisnik unutrašnje kanalizacije dužan je u svako vrijeme omogućiti nesmetan pristup uređajima za pročišćavanje i kontrolnom oknu, ovlaštenim inspektorima, te ovlaštenim licima fizičkog ili pravnog lica koje upravlja odvodnim sistemom.

Član 20.

Unutrašnja kanalizacija mora biti priključena na javnu kanalizaciju.

Član 21.

Kad se izgradi javna kanalizacija u naseljima ili djelovima naselja u kojima nije postojala, korisnik unutrašnje kanalizacije dužan je postojeće instalacije, građevine i uređaje unutrašnje kanalizacije prilagoditi odredbama ove Odluke, te se priključiti na javnu kanalizaciju o svom trošku, i to u roku od najmanje 6 mjeseci od dana početka rada javne kanalizacije.

Prije priključivanja na javnu kanalizaciju, raniji korisnik septičke jame dužan je izvršiti njeno čišćenje i dezinfekciju.

Upravnik javne kanalizacije nije dužan izvršiti priključak unutrašnje kanalizacije na javnu kanalizaciju, dok septička jama iz prethodnog stava ne bude očišćena i dezinficirana, što zapisnički utvrđuju komunalni redari.

Član 22.

Troškove izgradnje i održavanja unutrašnje kanalizacije, kao i njezinog priključka na javnu kanalizaciju, snose njezini korisnici.

III – SISTEM JAVNE ODVODNJE I OBAVEZA PRIKLJUČENJA

Član 23.

Javnu kanalizaciju čine instalacije, građevine i uređaji za odvodnju otpadnih voda, od kanalizacionog priključka unutrašnje kanalizacije na javnu kanalizaciju do prijemnika.

Otpadne vode se u pravilu odvede razdjelnom javnom kanalizacijom, tj. odvede se oborinske vode, površinske vode i vode koje nisu nastale kao posljedica tehnološkog procesa (oborinska kanalizacija) odvojeno od odvodnje ostalih otpadnih voda (otpadna kanalizacija).

Sistem oborinske kanalizacije sastoji se od otvorenih i zatvorenih kanala, slivnika i drugih objekata putem kojih se oborinske vode odvede u prijemnik.

Izuzetno, mješovitom javnom kanalizacijom odvede se zajedno sve otpadne vode.

Član 24.

Oborinske i površinske vode s javnih površina mogu se direktno upuštati u javnu kanalizaciju samo preko slivnika sa taložnikom.

Član 25.

Javna kanalizacija mora biti izvedena i održavana u skladu s propisanim standardima i normativima, tako da osigurava odvodnju predviđenih količina vode, a da se isključi mogućnost zagađenja razlijevanjem otpadnih voda po površini, njihovo prodiranje u podzemne slojeve, kao i da se spriječi prenošenje zaraznih bolesti.

Član 26.

Građevinama, instalacijama i uređajima javne kanalizacije upravlja pravno lice kome se povjeri upravljanje javnom kanalizacijom (u daljem tekstu: davalac usluge).

Pravo upravljanja iz prethodnog stava sadrži i obavezu održavanja javne kanalizacije.

Član 27.

Finansiranje izgradnje instalacija, građevina i uređaja javne kanalizacije obavlja se prema posebnom planu koji donosi Općinsko vijeće, u skladu sa zakonom.

Izgrađene građevine, instalacije i uređaje javne kanalizacije investitor predaje na upravljanje i održavanje (zajedno sa kompletnom dokumentacijom, građevinskom i upotrebnom dozvolom) davaocu usluge, i to u roku od 6 mjeseci od dana završetka izgradnje.

Član 28.

Unutrašnja kanalizacija priključuje se na javnu kanalizaciju kanalizacionim priključkom.

Kanalizacioni priključak je kanal koji spaja kontrolno okno s kanalom javne kanalizacije, odnosno, spoj unutrašnje kanalizacije s javnom kanalizacijom.

Član 29.

Korisnik unutrašnje kanalizacije, odnosno investitor objekta, dužan je od davaoca usluge zatražiti izvedbu kanalizacionog priključka.

Uz zahtjev iz stava 1. ovog člana podnosilac zahtjeva dužan je priložiti sljedeće:

- pravosnažno odobrenje za građenje objekta čija se kanalizacija priključuje,
- izvod iz projektne dokumentacije koja se odnosi na kanalizacionu mrežu.
- Izuzetno, prilaže se i uvjerenje nadležnog organa da je objekat legalno izgrađen.

Ako su ispunjeni propisani uslovi i uplaćene utvrđene takse i naknade, davalac usluge dužan je bez odlaganja, u razumnom roku, izvršiti priključak na javnu kanalizaciju.

Po završetku izvođenja priključka, davalac usluge dužan je isti ucrtati na karti kanalizacione mreže, uz unošenje ostalih potrebnih podataka.

Član 30.

Priključivanjem na javnu kanalizaciju korisnik, odnosno investitor iz člana 29. ove Odluke, postaje korisnikom javne kanalizacije.

Član 31.

Svaka unutrašnja kanalizacija priključuje se na javnu kanalizaciju jednim priključkom.

Član 32.

Izuzetno od člana 31. ove Odluke, može se odobriti da se jedna unutrašnja kanalizacija priključi na javnu kanalizaciju sa više priključaka u sljedećim slučajevima:

- ako se investiciono- tehničkom dokumentacijom dokaže da je izgradnja više priključaka opravdana iz razloga ekonomičnosti, zbog potreba tehnološkog procesa ili sličnih razloga,
- da se nekretnine s kojih se otpadne vode odvođe nalaze uz okno ili više kanalizacionih slivova,
- ako se na javnu kanalizaciju priključuju unutrašnja kanalizacija stambene zgrade s više stubišta ili više stambenih zgrada građenih u nizu.

IV – ZBRINJAVANJE OTPADNIH VODA NA PODRUČJIMA GDJE NIJE IZGRAĐENA JAVNA KANALIZACIJA

Član 33.

Na području Općine Goražde gdje nema javne kanalizacije, za sakupljanje otpadnih voda moraju biti izgrađene septičke i sabirne jame.

Član 34.

Septičke i sabirne jame mogu se graditi:

- od vodonepropusnog dobro izvibriranog betona MB 30,
- od betona MB 20 s premazom cementnim malterom 1 : 2 (d = 2 cm), uz dodatak sredstava za nepropusnost betona,
- od čelika, s tim da su u potpunosti zaštićene antikorozivnim premazima,
- od drugih materijala za koje treba imati atest o vodonepropusnosti.

Septičke jame i sabirne jame moraju biti izgrađene sa nepropusnim zidovima i dnom i moraju imati zaobljene prelaze između zidova i dna radi lakšeg pražnjenja, te bez ispusta i preljeva.

U slučajevima visokog nivoa podzemnih voda, vanjski sloj oko jame debljine 20 – 30 cm potrebno je

obraditi glinovitim materijalom ili izgraditi drenažni sistem kako bi se evakuisale podzemne vode.

Septičke i sabirne jame sa gornje strane moraju biti prekrivene armiranobetonskom pločom (d = 15 cm), a nad pločom slojem zemlje debljine 0,5 m zbog zaštite od uticaja vanjske temperature.

Septičke i sabirne jame izgrađuju se tako da svaka komora ima otvor za čišćenje minimalne veličine 60 x 60 cm. Otvor se mora graditi sa izdignutim rubom i mora biti zatvoren betonskim ili željeznim poklopcem na preklop. Otvor mora biti vidljiv, tj. ne smije biti prekriven zemljom ili drugim materijalom.

Član 35.

U septičkim i sabirnim jamama tokom procesa truljenja razvijaju se plinovi (ugljični dioksid, dušik, metan i sumpor vodonik), te se one moraju ventilirati kako bi se otklonila opasnost po ljude pri održavanju jama.

U cilju otklanjanja opasnosti iz prethodnog stava (od plinova koji se razvijaju u procesu truljenja), mora se izgraditi ventilacioni otvor prečnika najmanje 10 cm i 3 m iznad površine tla.

Član 36.

Septičke i sabirne jame moraju biti izgrađene na mjestima do kojih je u svako vrijeme moguć pristup posebnim vozilima radi pražnjenja i čišćenja.

U septičke i sabirne jame mogu se ispuštati:

- sanitarne zagađene vode (vode iz domaćinstava i sl.),
- industrijske zagađene vode (vode koje su nastale kao posljedica tehnološkog procesa) i
- radioaktivne zagađene vode (vode koje sadrže radioaktivne materije, otpatke i sl.), samo ako su prethodno pročišćene do stepena propisanog podzakonskim propisima donesenim za provođenje Zakona o vodama Bosansko-podrinjskog kantona Goražde i Zakona o vodama FBiH.

Član 37.

Oborinske i površinske vode, kao i vode koje nisu nastale kao posljedica tehnološkog procesa ne smiju se ispuštati u septičke i sabirne jame.

Član 38.

Preduzeće koje upravlja javnom kanalizacijom prazni i čisti sabirne i septičke jame i odvozi njihov sadržaj isključivo specijalnim vozilima, koja se nakon dnevne upotrebe moraju oprati i dezinfikovati.

Preduzeće iz prethodnog stava dužno je sadržaj sabirnih i septičkih jama izljevati u javnu kanalizaciju na mjestima koja odredi kantonalni / općinski organ uprave nadležan za poslove sanitarne inspekcije.

Mjesta iz prethodnog stava moraju biti odabrana tako da je omogućeno njihovo čišćenje i dezinfekcija, i moraju se nakon izlivanja oprati vodom pod pritiskom i dezinfikovati.

Član 39.

Pražnjenje i čišćenje sabirnih i septičkih jama potrebno je vršiti minimalno dva puta godišnje (proljeće, jesen).

Član 40.

Preduzeće koje upravlja javnom kanalizacijom dužno je voditi evidenciju vlasnika i korisnika sabirnih i septičkih jama i redovno prazniti sabirne i septičke jame prema programu koji donosi, i po zahtjevu korisnika.

O danu određenom za pražnjenje sabirnih i septičkih jama i za odvoz njihovog sadržaja moraju se obavjestiti njihovi vlasnici, odnosno korisnici.

Sabirne i septičke jame izgrađuje, održava i rekonstruira vlasnik, odnosno korisnik o svom trošku.

Preduzeće koje upravlja javnom kanalizacijom dužno je prijaviti komunalnoj inspekciji korisnika koji ne održava u ispravnom stanju sabirne, odnosno septičke jame.

Član 41.

Za pražnjenje sadržaja sabirnih i septičkih jama plaća se naknada čiju visinu utvrđuje javno komunalno preduzeće koje upravlja javnom kanalizacijom, uz saglasnost Općinskog vijeća.

Član 42.

Zabranjeno je ispuštanje otpadnih voda iz poslovnih prostora, domaćinstava, privrednih objekata, gnojišta, septičkih i sabirnih jama na javne površine (ceste, puteve, odvodne jarke, zelene površine), na zemljište u vlasništvu drugog lica, te na vlastito zemljište.

Domaćinstva koja drže krupnu i sitnu stoku moraju imati ograđena gnojišta sa osočnom jamom za prikupljanje osoke (gnojište), čija zapremina omogućava zadržavanje osočnih i otpadnih voda najmanje 120 dana.

V – FINANSIRANJE I NAKNADA ZA KORIŠTENJE SISTEMA JAVNE ODVOĐNJE

Član 43.

Sistem javne odvodnje izgrađuje se prema planskim dokumentima prostornog uređenja i drugim planovima i programima.

Sredstva za izgradnju sistema javne odvodnje osiguravaju se u skladu sa odredbama Zakona o vodama Bosansko- podrinjskog kantona Goražde i Zakona o vodama F BiH, iz:

- a) dijela opće vodne naknade i posebnih vodnih naknada;
- b) prihoda po osnovu zakupa javnog dobra;
- c) Budžeta Kantona;

- d) Budžeta Općine;
- e) sredstava osiguranih posebnim zakonima (naknada za uređenje gradskog građevinskog zemljišta, komunalna naknada i dr.);
- f) kreditnih sredstava;
- g) donacija;
- h) sredstava pravnih lica i građana i
- i) ostalih sredstava, u skladu sa zakonom.

Član 44.

Za korištenje javne kanalizacije plaća se naknada.

Naknada iz prethodnog stava za odvodnju otpadnih voda iz unutrašnje kanalizacije određuje se prema količini utrošene vode i prema sastavu otpadnih voda koje se odvođe.

Količina unutrašnje vode utvrđuje se putem vodomjera.

Ako na vodovodu nije postavljen vodomjer, količina utrošene vode plaća se paušalno.

Naknada iz stava 1. ovog člana za odvodnju otpadnih voda sa neizgrađenog građevinskog zemljišta, određuje se prema kvadratnom metru površine zemljišta s kojeg se otpadna voda odvođa.

Član 45.

Način i cijenu plaćanja odvodnje otpadnih voda određuje davalac usluge, uz pribavljenu saglasnost Općinskog vijeća Općine Goražde.

Član 46.

Naknada za korištenje javne kanalizacije plaća se od dana kada se korisnik priključi na javnu kanalizaciju.

Obaveza plaćanja naknade iz prethodnog stava prestaje isključenjem korisnika, što se ne odnosi na eventualna potraživanja nastala dotadašnjim korištenjem javne kanalizacije.

VI – POVJERAVANJE OBAVLJANJA DJELATNOSTI ODVOĐNJE OTPADNIH VODA

Član 47.

Općina Goražde povjerava obavljanje djelatnosti odvodnje otpadnih voda Javnom komunalnom preduzeću „6. mart“ d.o.o Goražde (**u daljem tekstu: davalac usluga**).

Član 48.

Davalac usluga, pri obavljanju povjerene djelatnosti dužan je:

- da obezbijedi vršenje povjerene djelatnosti u skladu sa odredbama Zakona o vodama F BiH, Zakona o vodama Bosansko- podrinjskog kantona Goražde i odredbama ove Odluke,

- da cijenu komunalne usluge obrazuje prema važećim propisima;
- da utvrdi normative rada i utroška materijalnih sredstava i omogući kontrolu istih od strane nadležnih organa;
- da uspostavi tarifni sistem koji će biti osnova za naplatu usluga, a koji odobrava nadležni općinski organ;
- da kontinuirano radi na podizanju nivoa i kvaliteta usluge koju pruža i
- da unapređuje povjerene komunalne djelatnosti.

Član 49.

Davalac usluge dužan je pružati usluge koje odgovaraju kvalitetom i standardom visini cijene koju korisnici usluge plaćaju za njihovo vršenje.

Općinsko vijeće utvrđuje mjerila i način formiranja cijene usluge, koja mora biti usaglašena sa kvalitetom i nivoom usluge.

Član 50.

Prava i obaveze između davaoca i korisnika usluge regulišu se ugovorom.

Davalac usluge dužan je ponuditi zaključke ugovora iz stava 1. ovog člana fizičkim i pravnim licima koji su vlasnici, odnosno korisnici stambenih i poslovnih zgrada i poslovnih prostora.

Za lica koja odbiju zaključiti ugovor na zahtjev davaoca komunalne usluge, postupiće se u skladu sa zakonom.

Član 51.

Korisnik usluge dužan je platiti utvrđenu cijenu za pruženu uslugu, u ugovorenom-propisanom roku, kao i izvršiti prijavu i odjavu svih promjena u roku od 8 dana od nastale promjene.

Dok se ne izvrši promjena iz stava 1. ovog člana, korisnik koji se trenutno vodi u evidenciji davaoca usluge, dužan je da plati utvrđenu cijenu za pruženu komunalnu uslugu.

O sporovima između korisnika i davaoca komunalne usluge odlučuje nadležni sud.

Član 52.

Usluga se ne može obustaviti, osim u slučajevima kada korisnik:

- izvrši priključenje na javni sistem odvodnje bez prethodno pribavljenog odobrenja nadležnog organa ili davaoca komunalne usluge;
- nenamjenski koristi uslugu u vrijeme otežanog rada javnog sistema odvodnje, o čemu je blagovremeno obavješten na odgovarajući način;
- otpočne sa korištenjem usluge bez prethodne prijave i davanja potrebnih podataka za evidentiranje obaveznika plaćanja kod davaoca usluge;

- koristi uslugu protivno propisima ili ugovoru;
- neosnovano ometa druge korisnike usluga;
- ne plati iskorištenu komunalnu uslugu dva mjeseca uzastopno ili vrati račun za izvršenu komunalnu uslugu bez opravdanog razloga;
- bez odobrenja davaoca komunalne usluge izvrši prepravku ili dogradnju na instalacijama komunalne infrastrukture;
- onemoguću ulazak radi pregleda zajedničkih i unutrašnjih instalacija ovlaštenom predstavniku davaoca komunalnih usluga, odnosno nadležnom inspektoratu,
- korisnik koji je bio isključen sa komunalne mreže ako se sam ponovo priključi na komunalnu mrežu;
- onemoguću pregled mjernog instrumenta.

Davalac usluge može uskratiti pružanje komunalne usluge u slučajevima iz stava 1. ovog člana, pod uslovom da to tehničke mogućnosti dozvoljavaju i da se nepružanjem usluge ne ugrožavaju drugi korisnici komunalnih usluga.

Po prestanku razloga za uskraćivanje komunalne usluge, davalac usluge dužan je da, na zahtjev korisnika usluge, najkasnije u roku od 3 dana od dana podnošenja zahtjeva i plaćenih stvarnih troškova za ponovno uključivanje, nastavi pružanje usluge korisniku.

Korisnik ne može otkazati korištenje usluge ako to tehničke mogućnosti ne dozvoljavaju, odnosno ako bi se time ugrozio kvalitet korištenja i standard drugih korisnika, te ako bi se time negativno uticalo na okolinu.

Član 53.

Davalac usluge dužan je najkasnije 3 dana prije očekivanog prekida u pružanju usluge, u sredstvima javnog informisanja, ili na drugi pogodan način, obavijestiti korisnike usluge o planiranim ili očekivanim smetnjama i prekidima koji će nastati ili mogu nastati u pružanju usluga, kao i o njihovom trajanju.

Davalac usluge dužan je informisati korisnike o načinu i vrsti obezbjeđenja alternativne usluge.

Član 54.

U slučaju nastupanja neplaniranih ili neočekivanih poremećaja ili prekida u pružanju usluge usljed više sile i drugih razloga, koje davalac usluge nije mogao da predvidi, odnosno da spriječi, obavezan je da odmah preduzme mjere za otklanjanje uzroka poremećaja, odnosno prekida, ili da na drugi način obezbjedi pružanje usluge i da istovremeno o tome obavijesti općinski organ uprave nadležan za komunalne poslove.

Kada nadležni organ iz stava 1. ovog člana primi obavještenje o poremećaju ili prekidu u pružanju usluge, dužan je da bez odlaganja:

- odredi red prvenstva i način pružanja usluge onim korisnicima kod kojih bi usljed prekida nastala opasnost po život i rad građana, ili rad pravnih i fizičkih lica, ili bi nastala značajna, odnosno nenadoknadiva šteta;
- naredi mjere za hitnu zaštitu komunalnih objekata i druge imovine koja je ugrožena;
- preduzme mjere za otklanjanje nastalih posljedica i druge potrebne mjere za obavljanje djelatnosti;
- utvrdi razloge i eventualnu odgovornost za poremećaj, odnosno prekid vršenja djelatnosti i učinjenu štetu, te da preduzme odgovarajuće mjere protiv odgovornog lica, uključujući i naknadu štete.

VII – PROVOĐENJE ODLUKE I NADZOR

Član 55.

Za provođenje ove Odluke odgovorni su općinski Načelnik i Služba za finansije, trezor i privredu Općine Goražde i JKP „6. mart“ d.o.o. Goražde, a nadzor nad provođenjem ove Odluke vrši nadležna kantonalna, odnosno općinska inspekcija.

Član 56.

Određbe Odluke o vodovodu i kanalizaciji broj: 01-02-445 od 31.01.2012. godine („Službene novine Općine Goražde“ br.2/12), koje su u suprotnosti sa Ovom odlukom, neće se primjenjivati od stupanja na snagu ove Odluke.

VIII – PRELAZNE I ZAVRŠNE ODREDBE

Član 57.

Ova Odluka stupa na snagu po isteku osmog dana od dana donošenja, a naknadno će biti objavljena u „Službenim novinama Općine Goražde“.

Broj: 01-02-1-2405

Goražde, 29.05.2014. godine

PREDSJEDAVAJUĆA VIJEĆA

Jelena Mirković

1203

Na osnovu člana 6. Odluke o utvrđivanju kriterija za određivanje iznosa zakupnine stana na području Bosansko- podrinjskog kantona Goražde za 2014. godinu br. 03-14-612/14 od 29.04.2014. godine i člana 18. i 84. Statuta Općine Goražde (“Službene novine Bosansko- podrinjskog kantona Goražde”, broj:13/07), Općinsko vijeće Općine Goražde, na **18.** redovnoj sjednici, održanoj dana **29.05.2014.** godine, **donosi:**

O D L U K U

o utvrđivanju koeficijenta zakupnine za stanove na području Općine Goražde za 2014. godinu

Član 1.

Ovom Odlukom utvrđuje se koeficijent zakupnine za stanove na području Općine Goražde na kojima pravo raspolaganja ima Općina Goražde, a koji potpadaju pod odredbe Zakona o zakupu stana Bosansko- podrinjskog kantona Goražde.

Član 2.

Koeficijent zakupnine za stanove iz prethodnog stava se utvrđuje u visini od 0,04 za 2014. godinu.

Član 3.

Utvrđeni koeficijent zakupnine služi kao faktor za izračunavanje iznosa zakupnine stana na području Općine Goražde.

Član 4.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-2404

Goražde, 29.05.2014. godine

PREDSJEDAVAJUĆA VIJEĆA

Jelena Mirković

1204

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **18.** redovnoj sjednici, održanoj dana **29.05.2014.** godine, **d o n o s i:**

Z A K L J U Č A K

1. Zadužuje se nadležna općinska služba da izradi projekat trenutnog rješavanja problema odvodnje otpadnih voda na području ruralnih mjesnih zajednica Općine Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2410

Goražde, 29.05.2014. godine

PREDSJEDAVAJUĆA VIJEĆA

Jelena Mirković

1205

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **18.** redovnoj sjednici, održanoj dana **29.05.2014.** godine, **d o n o s i:**

Z A K L J U Č A K

1. Zadužuje se Načelnik Općine Goražde i nadležna općinska služba da, u saradnji sa JKP „6. mart“, pronađu mogućnosti da, u vremenskom periodu od aprila do avgusta, angažuju dodatnu radnu snagu koja će biti uposlena na održavanju zelenih površina na području Općine Goražde.

2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2409

Goražde, 29.05.2014. godine

PREDSJEDAVAJUĆA VIJEĆA

Jelena Mirković

1206

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **18.** redovnoj sjednici, održanoj dana **29.05.2014.** godine, **d o n o s i:**

Z A K L J U Č A K

1. Usvaja se Izvještaj o realizaciji Zaključaka sa prethodne 17. redovne sjednice Vijeća.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2408

Goražde, 29.05.2014. godine

PREDSJEDAVAJUĆA VIJEĆA

Jelena Mirković

1207

BOSNA I HERCEGOVINA
FEDERACIJA BOSNE I HERCEGOVINE
Bosansko- podrinjski kanton Goražde
OPĆINA GORAŽDE
Općinski štab Civilne zaštite



Broj: 10-1-44-5-2350/14
Goražde, 19.05.2014. godine

Na osnovu člana 108. stav 1. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća, („Službene novine Federacije BiH“, broj 39/03, 22/06 i 43/10), Člana VI Odluke o proglašenju prirodne i druge nesreće na području Federacije Bosne i Hercegovine uzrokovane obilnim kišnim padavinama koje su prouzrokovale poplave na području Federacije Bosne i Hercegovine, broj: 870/2014., od 15.05.2014. godine, člana 30. Pravilnika o načinu rada i funkcionisanju štabova i povjerenika Civilne zaštite („Službene novine Federacije BiH“, broj 77/06), i Zapisnika sa hitne sjednice Štaba Civilne zaštite Općine Goražde, Štab Civilne zaštite Općine Goražde donosi:

N A R E D B U

o upotrebi snaga i sredstava civilne zaštite i angažiranju snaga i sredstava pravnih lica na zadacima zaštite i spašavanja

I

Angažuju se pripadnici Profesionalne vatrogasne jedinice Općine Goražde i to: Geca Mustafa, Halilović Husnija, Hubjer Elvir, Uglješa Benamir i Perla Adnan, zatim uposlenici „Goraždeputevi“ d.o.o: Sirčić Latif, Žuga Admir i Briga Sead i uposlenici „Okac“ d.o.o: Ridžal Ramiz i Suljić Emir na zadatku čišćenja nanosnog, plavnog materijala izazvanog posljedicama poplava na području Općine Maglaj. Datumi njihovog izvršenja naredbe su: 20., 21. i 22. 05. 2014. godine.

II

Angažuju se materijalno- tehnička sredstva:

1. Profesionalne vatrogasne jedinice Goražde i to: kamion- cisterna, kombi vozilo, 4 vodene pumpe, motorna pila, isušivači, gumene čizme, vreće za punjenje pijeska.
2. „OKAC“ d.o.o: skip- utovarivač i kamion.
3. „Goraždeputevi“ d.o.o: kamion.

III

Na području Općine Maglaj ljudstvo i materijalno- tehnička sredstva radit će na poslovima ispumpavanja vode iz podrumskih prostorija, isušivanja prostorija, spiranja ulica, sakupljanje, utovar i odvoz smeća sa ulica.

IV

Rok angažovanja ljudstva i materijalno- tehničkih sredstava je od 20. do 22.05.2014. godine.

V

Zadužuje se v.d. komandir Profesionalne vatrogasne jedinice Goražde, Mustafa Geca, da redovno informiše komandanta i načelnika štaba CZ o realizaciji zadataka utvrđenih u naredbi.

VI

Za realizaciju ove naredbe osigurava se 1250 litara dizel i 40 litara benzina iz Kantonalne direkcije robnih rezervi.

Za pokrivanje troškova dnevnica angažovanih lica, obezbjeđuju se sredstva u iznosu od 500,00KM u Budžetu Općine Goražde na ekonomskom kodu 614 241-1 Transfer za posebne namjene iz namjenskih sredstava.

VII

Naredba stupa na snagu odmah, a objavit će se u „Službenim novinama Općine Goražde“.

KOMANDANT ŠTABA

dr.sci. Muhamed Ramović

BOSNA I HERCEGOVINA
FEDERACIJA BOSNE I HERCEGOVINE
Bosansko- podrinjski kanton Goražde
OPĆINA GORAŽDE
Općinski štab Civilne zaštite



Broj: 10-1-44-5-2393/14
Goražde, 27.05.2014. godine

Na osnovu člana 108. stav 1. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća, („Službene novine Federacije BiH“, broj 39/03, 22/06 i 43/10), Člana VI Odluke o proglašenju prirodne i druge nesreće na području Federacije Bosne i Hercegovine uzrokovane obilnim kišnim padavinama koje su prouzrokovale poplave na području Federacije Bosne i Hercegovine, broj: 870/2014., od 15.05.2014.godine, člana 30. Pravilnika o načinu rada i funkcionisanju štabova i povjerenika Civilne zaštite („Službene novine Federacije BiH“, broj 77/06), i Zapisnika sa 28. sjednice Štaba Civilne zaštite Općine Goražde, Štab Civilne zaštite Općine Goražde donosi:

N A R E D B U

o upotrebi snaga i sredstava civilne zaštite na zadacima zaštite i spašavanja.

I

Angažuju se pripadnici Profesionalne vatrogasne jedinice Općine Goražde i to: Geca Mustafa, Halilović Husnija, Kiblić Nermin i Uglješa Benamir na zadatku ispumpavanja vode iz poplavljenih objekata na području Općine Bijeljina.

Datumi njihovog izvršenja naredbe su 28. i 29.05.2014. godine.

II

Angažuju se materijalno- tehnička sredstva:

Profesionalne vatrogasne jedinice Goražde i to: kombi vozilo, 4 vodene pumpe, motorna pila, isušivači i gumene čizme.

III

Na području Općine Bijeljina ljudstvo i materijalno- tehnička sredstva radit će na poslovima ispumpavanja vode iz podrumskih prostorija i isušivanja prostorija.

IV

Rok angažovanja ljudstva i materijalno- tehničkih sredstava je od 28. do 29.05.2014. godine.

V

Zadužuje se v.d. komandir Profesionalne vatrogasne jedinice Goražde, Mustafa Geca, da redovno informiše komandanta i načelnika štaba CZ o realizaciji zadataka utvrđenih u naredbi.

VI

Za realizaciju ove naredbe osigurava se 65 litara dizel i 39 litara benzina.

Za ishranu angažovanih lica obezbjeđuju se namirnice u iznosu od 140,00 KM.

Za pokrivanje troškova dnevnica angažovanih lica, obezbjeđuju se sredstva u iznosu od 200,00 KM u Budžetu Općine Goražde na ekonomskom kodu 614 241-1 Transfer za posebne namjene iz namjenskih sredstava.

VII

Naredba stupa na snagu odmah, a objavit će se u „Službenim novinama Općine Goražde“.

KOMANDANT ŠTABA

dr.sci. Muhamed Ramović

BOSNA I HERCEGOVINA
FEDERACIJA BOSNE I HERCEGOVINE
Bosansko- podrinski kanton Goražde
OPĆINA GORAŽDE
Općinski štab Civilne zaštite



Broj: 10-1-14-3-2362/ 14
Goražde, 26.05.2014. godine

Na osnovu članova 106, tačka 1., Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine F BiH", broj: 39/03 , 22/06 i 43/10), člana 29. stav 1. tačka 3. Pravilnika o načinu rada i funkcioniranja štabova i povjerenika civilne zaštite ("Službene novine FBiH", broj: 77/06 i 5/07), člana 2. Odluke o Štabu Civilne zaštite Općine Goražde („Službene novine Općine Goražde“, broj:11/09), i člana 17. i 19. Poslovnika o radu Štaba Civilne zaštite Općine Goražde, broj:02-44-5279/09 od 25.09.2009. godine, OŠCZ-e Goražde na **28.** redovnoj sjednici Štaba, održanoj dana **26.05.2014.** godine, **d o n o s i :**

ZAKLJUČAK

Svim uposlenicima u organima uprave Općine Goražde, Javnoj ustanovi Dom zdravlja "Dr. Isak Samokovlija" Goražde., Javnom preduzeću Veterinarska stanica Goražde ,Javnom komunalnom preduzeću "6. mart" Goražde, Javnoj ustanovi Centar za kulturu Goražde, Javnoj ustanovi Dječije obdanište „Sunce“ Goražde, Javnom preduzeću Sporsko- privredno- kulturni centar Goražde izvršiti obustavu **jedne dnevnicе (zarade uposlenika) na dobrovoljnoj osnovi radnika** za nastupajući obračunski period (mjesec), za pomoć poplavljenom stanovništvu u BiH i prikupljena sredstva uplatiti **na žiro-račun** za posebne naknade od prirodnih i drugih nesreća Općine Goražde **br:1325002012831094** otvoren u NLB- **Tuzlanska banka, filijala Goražde.** O utrošku prikupljenih sredstava će odlučivati Općinski štab Civilne zaštite Općine Goražde i o istom će dostaviti finansijski izvještaj uplatiocima sredstava.

Ovaj zaključak stupa na snagu danom donošenja a naknadno će biti objavljen u "Službenim novinama Općine Goražde".

DOSTAVLJENO:

1. Uposlenicima u organima uprave Općine Goražde
2. Javnoj ustanovi dom zdravlja "Dr. Isak Samokovlija" Goražde
3. Javnom preduzeću Veterinarska stanica Goražde
4. Javnom komunalnom preduzeću "6. mart" Goražde
5. Javnoj ustanovi Centar za kulturu Goražde
6. Javnoj ustanovi Dječije obdanište „Sunce“ Goražde,
7. Javnom preduzeću Sportsko- privredno- kulturni centar Goražde
8. Službi za Civilnu zaštitu Općine Goražde
9. a/a

KOMANDANT ŠTABA:

dr. sci. Muhamed Ramović

BOSNA I HERCEGOVINA
FEDERACIJA BOSNE I HERCEGOVINE
Bosansko- podrinjski kanton Goražde
OPĆINA GORAŽDE
Općinski štab Civilne zaštite



Broj: 10-44-3-1702/14
Goražde, 26.05..2014. godine

Na osnovu člana 184., stav 1. tačka 6. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine F BiH", broj: 39/03, 22/06 i 43/10,), člana VI stav 1. tačka 2. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine FBiH", broj: 04/12, 80/2013), člana 29. Pravilnika o načinu rada i funkcioniranja štabova i povjerenika Civilne zaštite ("Službene novine FBiH", broj: 77/06 i 5/07), člana 2. Odluke o Štabu Civilne zaštite Općine Goražde ("Službene novine Općine Goražde", broj: 11/09), Odluke o donošenju Godišnjeg plana korištenja sredstava za zaštitu i spašavanje za 2014. godinu, broj: 02-44-1-1351 /14 od 21.03.2014. godine, na dvadeset osmoj (28) redovnoj sjednici, održanoj dana **26.05.2014.** godine, Štab Civilne zaštite Općine Goražde, d o n o s i:

O D L U K U

o utrošku namjenskih finansijskih sredstava ostvarenih po osnovu posebne naknade za zaštitu od prirodnih i drugih nesreća Budžeta Općine Goražde u iznosu od **2.000,00** KM za sanaciju štete na stambenoj prostoriji (baraka) na ime Parganlija Aiša Ul. Ferida Dizdarevića br: 46.

Član 1.

Ovom Odlukom Štab civilne zaštite Općine Goražde utvrđuje finansijska sredstva u ukupnom iznosu od 2.000,00 KM za nabavku građevinskog materijala za sanaciju štete na stambenoj prostoriji (baraka) nastale usljed slijeganja tla izazvanog poplavama iz 2010. godine.

Član 2.

Finansijska sredstva utvrđena u članu 1. ove Odluke isplatit će na žiroračun Parganlija Aiše.

Član 3.

Finansijska sredstva potrebna za realizaciju člana 1. ove Odluke su obezbjeđena iz ostvarenih namjenskih sredstava za zaštitu i spašavanje, a isplaćuju se sa računa za namjenska sredstva za zaštitu i spašavanje Općine Goražde, a ista knjižiti na Ekonomskom kodu: 614 – 241 – 1 Transferi za posebne namjene (iz namjenskih sredstava Civilne zaštite) saniranje dijela šteta nastalih prirodnim i drugim nesrećama, Budžeta Općine Goražde za 2014. godinu.

Član 4.

Realizaciju ove Odluke vrše Služba za civilnu zaštitu i mjesne zajednice i Služba za finansije, trezor i privredu.

Član 5.

Ova Odluka stupa na snagu danom donošenja, a naknadno će se objaviti u "Službenim novinama Općine Goražde".

DOSTAVITI:

1. Službi za civilnu zaštitu i mjesne zajednice,
2. Službi za finansije, trezor i privredu,
3. Arhiv štaba,
4. a/a.

KOMANDANT ŠTABA:

dr. sci. Muhamed Ramović

BOSNA I HERCEGOVINA
FEDERACIJA BOSNE I HERCEGOVINE
Bosansko- podrinjski kanton Goražde
OPĆINA GORAŽDE
Općinski štab Civilne zaštite



Broj: 10-14-2-2392/14
Goražde, 26.05..2014. godine

Na osnovu člana 184., stav 1. tačka 6. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine F BiH", broj: 39/03, 22/06 i 43/10,), člana VI stav 1. tačka 2. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine FBiH", broj: 04/12, 80/2013), člana 29. Pravilnika o načinu rada i funkcioniranja štabova i povjerenika Civilne zaštite ("Službene novine FBiH", broj: 77/06 i 5/07), člana 2. Odluke o Štabu Civilne zaštite Općine Goražde ("Službene novine Općine Goražde", broj: 11/09), Odluke o donošenju Godišnjeg plana korištenja sredstava za zaštitu i spašavanje za 2014. godinu, broj: 02-44-1-1351 /14 od 21.03.2014. godine, na dvadesetosmoj (28) redovnoj sjednici, održanoj dana **26.05.2014.** godine, Štab Civilne zaštite Općine Goražde, d o n o s i:

O D L U K U

o utrošku namjenskih finansijskih sredstava ostvarenih po osnovu posebne naknade za zaštitu od prirodnih i drugih nesreća Budžeta Općine Goražde u iznosu od **2.000,00** KM za nabavku pitke vode stanovništvu pogođenom poplavama u BiH.

Član 1.

Ovom Odlukom Štab civilne zaštite Općine Goražde utvrđuje finansijska sredstva u ukupnom iznosu od 2.000,00 KM za nabavku pitke vode stanovništvu pogođenom poplavama u BiH.

Član 2.

Finansijska sredstva utvrđena u članu 1. ove Odluke isplatit će na žiroračun dobavljača.

Član 3.

Finansijska sredstva potrebna za realizaciju člana 1. ove Odluke su obezbjeđena iz ostvarenih namjenskih sredstava za zaštitu i spašavanje, a isplaćuju se sa računa za namjenska sredstva za zaštitu i spašavanje Općine Goražde, a ista knjižiti na Ekonomskom kodu: 614 – 241 – 1 Transferi za posebne namjene (iz namjenskih sredstava Civilne zaštite) saniranje dijela šteta nastalih prirodnim i drugim nesrećama, Budžeta Općine Goražde za 2014. godinu.

Član 4.

Realizaciju ove Odluke vrše Služba za civilnu zaštitu i mjesne zajednice i Služba za finansije, trezor i privredu.

Član 5.

Ova Odluka stupa na snagu danom donošenja, a naknadno će se objaviti u "Službenim novinama Općine Goražde".

DOSTAVITI:

1. Službi za civilnu zaštitu i mjesne zajednice,
2. Službi za finansije, trezor i privredu,
3. Arhiv štaba,
4. a/a.

KOMANDANT ŠTABA:

dr. sci. Muhamed Ramović

BOSNA I HERCEGOVINA
FEDERACIJA BOSNE I HERCEGOVINE
Bosansko- podrinjski kanton Goražde
OPĆINA GORAŽDE
Općinski štab Civilne zaštite



Broj: 10-1-14-3-2388/14
Goražde, 26.05..2014. godine

Na osnovu člana 184., stav 1. tačka 6. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine F BiH", broj: 39/03, 22/06 i 43/10.), člana VI stav 1. tačka 2. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine FBiH", broj: 04/12, 80/2013), člana 29. Pravilnika o načinu rada i funkcioniranja štabova i povjerenika Civilne zaštite ("Službene novine FBiH", broj: 77/06 i 5/07), člana 2. Odluke o Štabu Civilne zaštite Općine Goražde ("Službene novine Općine Goražde", broj: 11/09), Odluke o donošenju Godišnjeg plana korištenja sredstava za zaštitu i spašavanje za 2014. godinu, broj: 02-44-1-1351 /14 od 21.03.2014. godine, na dvadesetosmoj (28) redovnoj sjednici, održanoj dana **26.05.2014.** godine, Štab Civilne zaštite Općine Goražde, d o n o s i:

O D L U K U

o utrošku namjenskih finansijskih sredstava ostvarenih po osnovu posebne naknade za zaštitu od prirodnih i drugih nesreća Budžeta Općine Goražde u iznosu od **3.246,17 KM** za nabavku 5 suncobrana sa pratećom opremom za potrebe jedinica i službi CZ-e Općine Goražde.

Član 1.

Ovom Odlukom Štab Civilne zaštite Općine Goražde utvrđuje finansijska sredstva u ukupnom iznosu od 3.246,17 KM za nabavku 5 suncobrana sa pratećom opremom za potrebe jedinica i službi CZ-e Općine Goražde.

Član 2.

Finansijska sredstva utvrđena u članu 1. ove Odluke isplatit će na žiroračun dobavljača Suman d.o.o. Gračanica br:1542002000485142.

Član 3.

Finansijska sredstva potrebna za realizaciju člana 1. ove Odluke su obezbjeđena iz ostvarenih namjenskih sredstava za zaštitu i spašavanje, a isplaćuju se sa računa za namjenska sredstva za zaštitu i spašavanje Općine Goražde, a ista knjižiti na Ekonomskom kodu: 821 383 Nabavka opreme za CZ-u (iz namjenskih sredstava Civilne zaštite) Budžeta Općine Goražde za 2014. godinu.

Član 4.

Realizaciju ove Odluke vrše Služba za civilnu zaštitu i mjesne zajednice i Služba za finansije, trezor i privredu.

Član 5.

Ova Odluka stupa na snagu danom donošenja, a naknadno će se objaviti u "Službenim novinama Općine Goražde".

DOSTAVITI:

1. Službi za civilnu zaštitu i mjesne zajednice,
2. Službi za finansije, trezor i privredu,
3. Arhiv štaba,
4. a/a.

KOMANDANT ŠTABA:

dr. sci. Muhamed Ramović

BOSNA I HERCEGOVINA
FEDERACIJA BOSNE I HERCEGOVINE
Bosansko- podrinjski kanton Goražde
OPĆINA GORAŽDE
Općinski štab Civilne zaštite



Broj: 10-14-2-2391/14
Goražde, 26.05.2014. godine

Na osnovu člana 184., stav 1. tačka 6. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine F BiH", broj: 39/03, 22/06 i 43/10.), člana VI stav 1. tačka 2. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine FBiH", broj: 04/12, 80/2013), člana 29. Pravilnika o načinu rada i funkcioniranja štabova i povjerenika Civilne zaštite ("Službene novine FBiH", broj: 77/06 i 5/07), člana 2. Odluke o Štabu Civilne zaštite Općine Goražde ("Službene novine Općine Goražde", broj: 11/09), Odluke o donošenju Godišnjeg plana korištenja sredstava za zaštitu i spašavanje za 2014. godinu, broj: 02-44-1-1351 /14 od 21.03.2014. godine, na dvadesetosmoj (28) redovnoj sjednici, održanoj dana **26.05.2014.** godine, Štab Civilne zaštite Općine Goražde, d o n o s i:

O D L U K U

o utrošku namjenskih finansijskih sredstava ostvarenih po osnovu posebne naknade za zaštitu od prirodnih i drugih nesreća Budžeta Općine Goražde za pokriće troškova ishrane i goriva za angažovane Jedinice i Službe u poplavljenom području.

Član 1.

Ovom Odlukom Štab Civilne zaštite Općine Goražde odobrava finansijska sredstva za pokriće troškova koji nastanu za nabavku ishrane i goriva za angažovane Jedinica i službi Općine Goražde na poplavljenom području.

Član 2.

Nabavka hrane i goriva na području Općine Goražde vršit će se kod ugovorenih dobavljača, a eventualna nabavka po potrebi (hrane ili neke druge opreme na terenu pravdaće se računima).

Član 3.

Finansijska sredstva potrebna za realizaciju člana 1. ove Odluke su obezbjeđena iz ostvarenih namjenskih sredstava za zaštitu i spašavanje, a isplaćuju se sa računa za namjenska sredstva za zaštitu i spašavanje Općine Goražde, a ista knjižiti na Ekonomskom kodu: 614 – 241 – 1 Transferi za posebne namjene (iz namjenskih sredstava Civilne zaštite) saniranje dijela šteta nastalih prirodnim i drugim nesrećama, Budžeta Općine Goražde za 2014. godinu.

Član 4.

Realizaciju ove Odluke vrše Služba za civilnu zaštitu i mjesne zajednice koja je dužna dostaviti izvještaj OŠCZ-e o ukupnim troškovima po završetku angažovanja Jedinica i službi i Služba za finansije, trezor i privredu.

Član 5.

Ova Odluka stupa na snagu danom donošenja, a naknadno će se objaviti u "Službenim novinama Općine Goražde".

DOSTAVITI:

1. Službi za civilnu zaštitu i mjesne zajednice,
2. Službi za finansije, trezor i privredu,
3. Arhiv štaba,
4. a/a.

KOMANDANT ŠTABA:

dr. sci. Muhamed Ramović

SADRŽAJ

1199	O D L U K U o davanju saglasnosti na Odluku o prodaji nekretnina zv. „Upravna zgrada FV“ i „Pogon stolarije“, donesene od strane Nadzornog odbora JKP „6. mart“ d.o.o. Goražde	925
1200	ODLUKU o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česmama na području Općine Goražde	925
1201	O D L U K U o odobravanju sufinansiranja izgradnje sistema navodnjavanja Kolovarskog i Gunjevičkog polja u Općini Goražde	929
1202	ODLUKU o odvodnji otpadnih voda na području Općine Goražde	930
1203	O D L U K U o utvrđivanju koeficijenta zakupnine za stanove na području Općine Goražde za 2014. godinu	936
1204	Z A K L J U Č C I	937
1207	N A R E D B U o upotrebi snaga i sredstava civilne zaštite i angažiranju snaga i sredstava pravnih lica na zadacima zaštite i spašavanja	938

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik sekretar Općinskog vijeća Općine Goražde, Samir Kanlić tel: +38738221161
i pomoćnik načelnika Službe za društvene djelatnosti, opću upravu i zajedniče poslove,
Sanid Zirak tel: +38738221796.

Štampa: **GRAFOMERX** Goražde